

**MAHMUDXO'JA BEHBUDIY MAQOLALARIDA  
MILLAT MANFAATLARINING IFODALANISHI**

*O'rinboyeva Mubinabonu Iqboljon qizi  
Andijon davlat pedagogika instituti  
O'zbek tili va adabiyoti yo'nalishi  
2-bosqich talabasi*

**Kalit so'zlar:** idorasi mustaqala, idorai marshruti, idorai ruhoniya, hukumat, mashvarat

**Annotatsiya:** Ushbu maqolada jadid adabiyotining yetuk namoyandalaridan biri Mahmud,o'ja Behbudiyning ijtimoiy siyosiy maqolalarida millat manfaatlarini ifodalanishi,tenglik,mustaqlilik,millatparvaletik tushunchalari yoritilgan

Mahmudxo'ja Behbudiy, eng avvalo, milliy uyg'onish harakatining ulkan siyosiy rahnamosi sifatida maydonga chiqdi. Shuning uchun ham mutaxassislar uni —Turkiston jadidchilik harakatining boniysi 27, deya e'tirof etadilar. —Murakkab va fojiali asrda yashab, o'zbek xalqining ijtimoiy, madaniy va ma'rifiy taraqqiyotiga bebafo hissa qo'shgan 28ini ta'kidlaydilar. Manbalarning guvohlik berishicha, siyosat bobida u o'tkir nazariyotchi, shuning barobarida, faol amaliyotchi ham bo'lган. Bu boradagi nazariy qarashlari uning —Kitobi muntaxabi jug'rofiyai umumiylar va namunai jug'rofiyal darsligida, —Duma va Turkiston musulmonlari, —Xayr ul-umuri avsatuhol, —Muhtaram amarqandiylarg'a xolisona arz va shu kabi maqolalarida ifodasini topgan. —Kitobi muntaxabi jug'rofiyai umumiylar va namunai jug'rofiyal darsligida Behbudiy o'sha davrdagi boshqaruv usullari haqida qimmatli ma'lumotlarni beradi. Zero, millat yoshlarining siyosiy ongini yuksaltirish, avlod dunyoqarashini o'stirish ziyorolar oldida turgan dolzarb vazifalardan, taraqqiyotning muhim omillaridan edi. Behbudiy o'sha davrga xos uch xil boshqaruv usuli haqida yozadi:

- 1) idorai mustaqalla (idorai mutlaqa);
- 2) idorai mashruta; 3) idorai jumhuriyat

Allomaning yozishicha, "idorai mustaqalla"ning o,,ziga xos xususiyatlari quyidagilardan iborat: - bunda hukmdorning istagi – qonun, ya'ni u sohibi ixtiyor. Boshqacha aytganda, vakolatlari mutlaqo cheklammagan; - qo'l ostidagi barcha majlis, maslahatxonalar xukmdorga bo'ysunadi, uning aytgani aytgan, degani degan; - hukumat, valiakhlik qoidalari asosida, —o'shal hukumatni qo'ygan tartib va tadbirig'a muvofiq bo'ladi.

Idorai mustaqalla davlat boshqaruvining monarxiya usuliga to'g'ri keladi. Behbudiy tahlil etgan ikkinchi usul – idorai mashruta mana bu xususiyatlari bilan ajralib turadi:

- bu hukumatga tobe odamlar aksari dunyodan xabardor ilm ahllari. — El va urug'lari ilm, hunar va dunyo ishlarig'a taraqqiy qilgan; - fuqarolar o'z oralaridan insofli, ilm va dunyodan xabardor kishilarni o'zlariga rahbar va boshqaruvchi vakil etib saylaydilar; — saylangan vakillarni podshoh muqarrariy mahkamalarg'a, mamlakatdorlik ishlarig'a jamlaydi... Alarni(ng) majlis va mahkamalarini

—millat majlisi, —maslahatxona, —parlament, —go'sudarski dum, —majlisi sinodiy, —el majlisi degan ismlar ila yod qiladur; - —Millat majlisi a'zolari hukumatni mashvarat bilan boshqaradi.

Hukmdor bu majlis amriga bo'ysunadi. Mamlakat taqdiri bilan bog'liq masalalarini shu majlisda muhokama etmay, o'z xohishicha hal etolmaydi. Mamlakat boshqaruvining bu usuli konstitutsiya va parlamentga tayanuvchi davlat xususiyatlariga muvofiq keladi. Parlament, duma, senat, millat majlisi singari qonun chiqaruvchi organlar haqida bundan yuz yil avval fikr yuritgani Behbudiyning siyosatchi sifatida nechog'lik yetuk bo'lganidan darak beradi. Behbudiylar ta'riflagan uchinchi usul – idorai jumhuriyatning o'ziga xosligi quyidagilarda namoyon bo'ladi:- aksar fuqarosi ahli ilm. Keng dunyoqarashli aholi saylagan vakillar o'z amlakat va hukumatini boshqarmog'i uchun oralaridan bir nafar donishmand odamni boshliq etib saylaydi. U —raisi jumhuriyat, —sadrinshini millat yoki —prezident deb ataladi;- bunday hukmdor har bir hukm va amrini —Millat majlisi tuzib bergen dasturulamal, ya'ni qonun va nizomnomalarga muvofiq amalga oshiradi; - bu usul asosida boshqariladigan hukumatda —Millat majlisi katta vakolatga ega. Hatto vazir va unga tenglashtirilgan mansabdorlarni taftish qilish, tergovga tortish, lavozimidan ozod qilish huquqlariga ega. Behbudiylar olamda kechayotgan voqelik mohiyatidan xabardor, siyosiy vaziyatni to'g'ri baholay biladigan yetuk arbob edi. Uning —Xayr ul-umuri avsatuhoh maqolasidagi fikrlar ham buni tasdiqlaydi. —Hozir Rusiya davlati(ning) tariqi hukmronligi noqis ekanligiga har bir xabarlik kishi iqrar etar, – deb yozadi Behbudiylar. – Davlat qonunlarini(ng) isloh va tajdidig'a har kim moyildur.

Bugun mamlakatimizda ko'ppartiyali tizim real voqelikka aylandi. Behbudiyning bundan bir asr muqaddam siyosiy partiyalar haqida bildirgan fikrlari Vatan va millat manfaatini ko'zlagani, bugungi kun uchun ham ahamiyatli ekani bilan diqqatga sazovordir. Alloma —Rusiyadagi barcha xaloyiq... necha aslu asosg'a bo'lunganli, —bu siyosiy firqalarni(ng) har birig'a har bir mazhab va din ahlidan qo'shulganli haqida fikr yuritar ekan, to'rt siyosiy partiya faoliyatiga baho beradi. Ular: 1) buyro'kratiyai mustabid; 2) kadet mashruta; 3) Sotsialdemokraticheski (ishtirokiyun ommaviyun); 4) Rusiya musulmonlari ittifoqi firqalaridir Behbudiylar siyosat bobida nainki yetuk nazariyotchi, zo'r amaliyotchi ham bo'lganini ta'kidlagan edik. Birgina misol. U 1907 yildayoq (Turkiston muxtoriyati e'lon qilinishidan o'n yil oldin!) —Turkiston madaniy muxtoriyati loyihasilni tuzib, ko'rib chiqish uchun Rusiya Davlat Dumasiga taqdim etgan edi. Mazkur loyihami 2001 yili Haarlemda (Hollandiya) nashr etilgan —Turkistonda yangilik harakatlari va ixtilollar. 1900-1924 nomli to'plamdagagi matn asosida o'zbek matbuotida ilk marta professor Begali Qosimov e'lon qilgan.<sup>33</sup>

Mana, u mazkur loyihada nimalarni yozadi: —Millatimizi iste'dodsiz va idorai doxiliya va aftonomiyani(ng) ijro va hifzig'a qodir emas zam eduvchilar (gumon qiluvchilar, albatta xato edarlar. Ovrupoyi rus musulmonlaridan ziyodaroq aftonomiyani Turkistong'a berilmog'i lozimdir. Azbaski (chunki), turkistonlilar hanuz doxilan o'zini o'zi idora edar. Va ovrupoyi Rusiyadagi qardoshlarimizdan ixtiyorlidurlar. Behbudiyning chinakam siyosatdonligi yana shunda ko'rindiki, u Turkiston Idorai ruhoniya va doxiliya mahkamasi va shu'balarida faoliyat yurituvchi mas'ul shaxslar tarkibi haqida aniq tavsiyalar berish barobarida o'lkada yashovchi shia mazhabi vakillari, shuningdek, yahudiylar masalalarini ham e'tibordan chetda

qoldirmaydi. Jumladan, uning fikricha, —Turkiston Idorai ruhoniya va doxiliyasida hama yerli yahudiylardan saylov ila bir nafar yahudiy olimi ishtirok edarl. Shuningdek, —...shi'atul mazhab musulmonlarini(ng) faqat rusumi mazhabiyalari to'g'risinda oid teyishli fatvolarni Zakavkaz shi'a shayxulislom majlisindan so'rab, ul qarorg'a muvofiq shi'alar ila rusumi mazhabiya haqinda muomala edar. Boshqa vajhg'a sunniy ila shi'a orasig'a farq bo'lmasa kerak!. Ushbu fikrlarga tayanib, Behbudiy tuzgan —Turkiston madaniy muxtoriyati loyihasilda o'lkada yashovchi o'zga din va mazhabdagi kishilar huquqini ham to'liq kafolatlash nazarda tutilgan, deyish mumkin. Bu, o'z navbatida, Behbudiy millat va milliyat masalalarini mezon deb bilar ekan, boshqalar huquqini kamsitishdan, azamattalablik (shovinistik) qarashlardan ancha baland turganini ko'rsatadi.

### **FOYDALANILGAN ADABIYOTLAR:**

#### **I. MANBALAR:**

- 1.1. Маҳмудхўжа Беҳбудий. Танланган асарлар. З-нашри. (Нашрга тайёрловчи, сўзбоши ва изоҳлар муаллифи Б.Қосимов). Тошкент, Маънавият!, 2006
- 1.2. Ўзбек миллий уйғониш адабиётига материаллар. (Нашрга тайёрловчилар: Б.Қосимов, У.Долимов, Н.Жабборов). Тошкент, —Университет! нашриёти, 2004.